

記
張
廷
諤
先
生

林 錫 珍



張 廷 諤 先 生 遺 照

張廷諤先生，字直卿，河北豐潤石各莊人。生於民國前二十二年八月廿三日，卒於民國六十二年七月二十七日，享年八十有三歲。先生於清光緒三十一年，考入遵化中學，宣統二年畢業，赴日留學，入大阪工業專門學校就讀。慷慨有大志，慕荆卿之為人；歲辛亥，聞武昌起義，遄返國，寓津沽，謀刺張懷芝不果，赴灤州謁二十鎮統制張紹曾，參加灤州誓師之役。事敗，匿城東

南隅之文昌閣中，瀕於危，乘夜急縱城，走東北，倖免於難。尋赴烟台，奉民軍都督胡瑛命，任山東黃縣縣長，時年僅二十歲。閱三月，民國告成，先生為報國計，毅然棄官復學，入天津高等工業學校，習機械，民國三年畢業，蒙直隸巡按使朱家寶之器識，委充輪船局局長，關航線，增船隻，成績卓著。

民國八年，當選為直隸省議員，議論宏猷，為儕輩所敬畏，時張紹曾寓津門，深重先生才，與先生及黃膺白三人，訂金蘭之交。民國九年十月，張紹曾聯絡南北實力派，謀統一，曾約先生贊助。旋即出任北京電報局局長，兼直蒙電政監督，積極興革，建樹殊多。

民國十二年初，張紹曾組閣，先生出任國務院祕書長，年方三十三歲。斯時南北俊彥薈萃於京師。先生以英年而登樞要，延攬宿學元老，侍經綸，備顧問，從容措置，悉中法度。嗣以黎元洪與張紹曾不和，演為府院之爭，張紹曾總理憤而通電下野，總統黎元洪亦迫於形勢離京出走，國務院遂攝行總

統職權，先生責益重矣。同年十月賄選總統曹錕就職，結束攝政，先生離職，奉聘為總統府高等顧問。

民國十三年，受任河東鹽運使，十四年遷長蘆鹽運使，俄而奉軍入關，離職，隱於天津，時值好友張紹曾被刺，先生感於知遇因謀國而捐軀，心灰意冷，無意於仕進，時與先生往還最密者，惟黃膺白耳。民國二十二年，黃膺白出任行政院駐平政務整理委員會委員長職，二十三年挽先生為天津特別市市長。到任後，對於教育、警政、財政、衛生、救濟，諸要政，積極改革，致招日人忌嫉，多方威脅，必欲去之而後快。友好嘗勸先生勿開罪於日人，先生挺然特立，不以暴力動其心，周旋肆應，處之泰然。何應欽電先生，謂日本駐軍參謀長酒井隆要先生辭職，先生答：余無過，絕不辭，中央可以調，可以免也，如為日軍參謀長要脅而辭職，余究為中國官耶？抑日本官耶？終不辭，並電告行政院長汪精衛，表明立場與態度，結果以另有任用而去職。先生之風骨與膽識，於斯可見。

天津修葺孔廟，先生應邀參加典禮，席間日

議員小林講演，詞畢，問全場曰：「孔子是中國人，抑日本人，孔子如中國人也，何以中國之明倫堂有改爲中山堂者，而日本却修葺孔廟。」先生憤然作色曰：「孔子之道忠恕而已矣，何謂忠，盡己之謂忠，何謂恕，推己之謂恕，余曾留學日本，遍讀日本書，尋不到恕字，余以爲日本缺乏恕道，孔子是中國人，抑日本人，可知矣。」小林啞然不能對，先生之機警與辯才，誠不可及者也。

張先生在天津市長任內，一日因公宴土肥原，黃膺白在座，土肥原忽對先生曰：「張市長，你聽話，華北局面屬於你。」先生抗聲曰：「老土！吾與汝好友也，汝之衣吾可穿，汝之錢吾可用，惟吾與汝非一族類，非一國籍也，汝須謹記！先生剛果有氣概，外和而內剛，以是施於政，亦以是持其身，平居欲然，若不自持，然其敢

言，有爲有守，誠矯矯然北方之強也。

張先生於天津市長離職後，赴南京，住黃膺白家，與張岳軍（羣），時相往還，爲莫逆交，久之返津。迨七七蘆溝橋事變，先生與王樹翰、馬占山，結伴離津、赴京、轉滬，暫住於租界。

民國二十八年，汪精衛到滬，某日劉郁芬請客，先生在座，劉忽問先生，汪是否漢奸？先生答：汪爲漢奸之尤者。言出爲漢奸所嫉，危機四伏，行動幾失自由，爰延醫趙啓華以藥膏塗於踝，僞裝脚痛，拒會客，伺機與姬夙川密乘英輪逃港，轉渝，在渝期間，時與南開大學校長張伯苓遊，從事教育工作。三十四年八月十三日，中樞任命，再度出長天津市，時中日戰事結束方新，共匪陰謀已顯，賴先生有政事才，因應悉當，使津市秩序井然。

三十六年，先生因病辭天津市長職，國府聘

爲顧問。三十七年赴北平頤和園養病，是年十月因共匪肆虐，時局嚴重，搭機離平飛滬，三十七年底，抵台灣，定居永和，與張岳軍先生交益密。斯時也，先生優遊林下，閉戶讀書，或於春秋佳日與同鄉故舊，作平原十日之遊，或與地方紳耆爲竹林七賢之會，亦頗悠然自得。

先生尤熱心地方建設，永和之分鄉設鎮，與建隄防，先生以在野之身，輒大聲疾呼，不辭勞怨，永和之繁榮得有今日，先生之苦心遺愛，實不可沒。

先生博覽羣書，精通政理，然而深藏不露，平居恂恂，不吸煙，不飲酒，居處恭，臨事敬，好惡無所偏，與人接觸融如也，人皆親愛之。年登大耋，以腦溢血逝世，無苦痛，可謂仙逝矣，而親戚故舊，地方紳耆，猶且同聲嘆其不壽，用不極其材。

中外文庫

還俗記

增訂再版

鈕先銘著

定價伍拾元

請速購閱

名作家鈕先銘先生多采多姿的戎馬生涯中，有一段最難忘的經歷，最離奇的際遇，那便是他曾一度出過家，當了和尚，然後又名正言順的還了俗，這一段曲折離奇的經歷刻已由鈕先生撰成還俗記，本書具傳記的真實性，有小說的傳奇色彩，確是一本百讀不厭，值得鄭重推薦的好書。

「還俗記」增訂再版共三十餘萬言。四百餘頁，附以珍貴圖片，定價新臺幣伍拾元。